




**“ПРАКТИКАЛ ДААТГАЛ” КОМПАНИЙН ДААТГАЛЫН ТӨЛӨӨЛӨГЧ,
ЗУУЧЛАГЧИД ШИМТГЭЛ ОЛГОХ ЖУРАМ**

ПДЖ-СБА-11 (03)

Хэвлэлт дугаар	Хувилбарын дугаар	Шинэчилсэн огноо	Шинэчилсэн агуулга
1	1	2016.07.01	Шинэчлэн батлав.
2	2	2017.08.25	НБББББ-ийн журмын 9.2-д заасны дагуу шинэчлэн батлав.
3	3	2018.01.02	3.4 заалтыг нэмж батлуулсан.

	“ПРАКТИКАЛ ДААТГАЛ” ХХК-ИЙН ДААТГАЛЫН ТӨЛӨӨЛӨГЧ, ЗУУЧЛАГЧИД ШИМТГЭЛ ОЛГОХ ЖУРАМ		
		Код: ПДЖ-СБА-11	Хуудас: 6
Мөрдөж эхлэх:	2018.01.02	Гарын үсэг	
Танилцаж саналаа тусгасан:	1. Гүйцэтгэх захирал:	О.Гантөмөр	
	2. Даатгалын газрын захирал	Э.Баярмагнай	
	3. Нөхөн төлбөрийн албаны дарга	Л.Мэргэнсанаа	
	4. ЗХНА-ны дарга	Ч.Болор-Эрдэнэ	
	5. Бизнес хөгжлийн газрын захирал	Л.Цогт-Очир	
Боловсруулсан:	6. Санхүү бүртгэлийн албаны дарга	Б.Хишигбаяр	

АГУУЛГА:

- | | | |
|----|--------|--------------------------------|
| 1. | Зүйл 1 | Нийтлэг үндэслэл |
| 2. | Зүйл 2 | Нэр томъёоны тодорхойлолт |
| 3. | Зүйл 3 | Даатгалын төлөөлөгчийн шимтгэл |
| 4. | Зүйл 4 | Даатгалын зуучлагчийн хөлс |
| 5. | Зүйл 5 | Тайлагнал, хариуцлага |

ХАВСРАЛТ:

- | | |
|-----------------|-------------------------|
| 1. Хавсралт №01 | Шимтгэл олгох зөвшөөрөл |
|-----------------|-------------------------|

БАТЛАВ.

ГҮЙЦЭТГЭХ ЗАХИРАЛ



О.ГАНТӨМӨР

НЭГ. НИЙТЛЭГ ҮНДЭСЛЭЛ

- 1.1. Даатгалын төлөөлөгч, зуучлагчид шимтгэл олгох журам /Цаашид “журам” гэх/ нь “Даатгалын мэргэжлийн оролцогчийн тухай хууль”, СЗХорооноос баталсан “Даатгал түүнтэй холбоотой үйл ажиллагаа, даатгагчид тавигдах шаардлага, даатгагчийн дагаж мөрдөх үзүүлэлтийг тодорхойлох журам”-ыг болон бусад холбогдох хууль, тогтоомжид үндэслэсэн “Практикал Даатгал” ХХК /цаашид “компани” гэх/-ийн баримт бичиг болно.
- 1.2. Журмын зорилго нь “Практикал Даатгал” ХХК-тай хамтран ажилладаг даатгалын төлөөлөгч, зуучлагчид даатгалын хураамжийн орлогоос шимтгэл тооцоолон олгох харилцааг зохицуулахад оршино.
- 1.3. Журамд Даатгалын газар, Санхүү бүртгэлийн албаны саналыг үндэслэн Гүйцэтгэх захирлын шийдвэрээр нэмэлт, өөрчлөлт оруулах, хүчингүй болгох асуудлыг шийдвэрлэнэ.

ХОЁР. НЭР ТОМЪЁОНЫ ТОДОРХОЙЛОЛТ

- 2.1 Даатгалын үйл ажиллагаа-Даатгалын тухай хуулийн 4 дүгээр зүйлийн 4.1.1 дэх заалтад заасан үйл ажиллагааг;
- 2.2 Даатгалын зуучлагчийн үйл ажиллагаа -Даатгагч болон даатгуулагчаас олгосон бүрэн эрхийн дагуу, түүний ашиг сонирхлын төлөө хэлцэл хийх этгээдтэй холбож өгөх үйл ажиллагаа;
- 2.3 Даатгалын төлөөлөгчийн үйл ажиллагаа -Даатгагчийн хууль ёсны ашиг сонирхлыг хамгаалах, түүний нэрийн өмнөөс хэлцэл хийх үйл ажиллагааг; /даатгалын төлөөлөгч нь хувь хүн болон хуулийн этгээд байж болно/
- 2.4 Даатгалын зуучлалын хөлс-Даатгалын зуучлагч болон даатгалын төлөөлөгчид даатгал зуучилсаны төлөө олгох хөлс;

ГУРАВ. ДААТГАЛЫН ТӨЛӨӨЛӨГЧИЙН ШИМТГЭЛ

- 3.1 Компанийн даатгалын мэргэжилтэн, орон нутаг салбар хариуцсан захирлууд СЗХорооноос эрх авсан даатгалын төлөөлөгчтэй гэрээ байгуулж хамтран ажиллана.
- 3.2 Хариуцсан даатгалын мэргэжилтэн, салбарын захирлууд төлөөлөгчийн хувийн хэрэг, хамтран ажиллах гэрээ, олгосон шимтгэлийн баримт мэдээллийг архивлан хадгална.
- 3.3 Даатгалын төлөөлөгч шимтгэлийг
 - 3.3.1 Даатгалын төрөл
 - 3.3.2 Харилцагч байгууллагын онцлог, орлогын хэмжээ, ач холбогдлоос хамааруулан ялгаатай тогтоож болно.
- 3.4 Төлөөлөгч зуучлагчтай гэрээ байгуулахаар тохиролцох үед Даатгалын газрын захиралтай зөвшилцөн Гүйцэтгэх захирлаас зөвшөөрөл авна.
- 3.5 Шинээр даатгал хийж байгаа гэрээний хувьд шимтгэл нь бүтээгдэхүүний төрөлтэй уялдан дараах хувь хэмжээнээс хэтрэхгүй байна.
 - 3.5.1 Тээврийн хэрэгслийн даатгал, жолоочийн хариуцлагын даатгал, гадаад зорчигчийн даатгалын шимтгэл -15%
 - 3.5.2 МЭД-ийн шимтгэл -15%
 - 3.5.3 Бусад даатгалын бүтээгдэхүүний шимтгэл - 20%
- 3.6 Онцгой тохиолдолд төлөөлөгчийн шимтгэлийн хэмжээг дээр дурьдсанаас өөрөөр тогтоож болох бөгөөд энэ тохиолдолд гэрээ байгуулагдахаас өмнө хамтран ажиллаж байгаа даатгалын мэргэжилтэн хавсралт №1-ийн дагуу Гүйцэтгэх захирлаас зөвшөөрөл авна.

- 3.7 Даатгалын гэрээ сунгагдан үргэлжлүүлэн даатгагдаж байгаа харилцагчийн өмнөх жилийн нөхөн төлбөрийн мэдээллээс хохирол нөхөлтийн харьцаа компанийн босго харьцаанаас дээш байвал төлөөлөгчийн шимтгэлийн хэмжээг бууруулж 3.5 заалтаас хэтрүүлэхгүй байхаар мөрдөнө.
- 3.8 Хэрэв төлөөлөгчийн шимтгэлийн хэмжээг өмнөх жилийнхээс бууруулан гэрээ байгуулсан тохиолдолд хариуцсан даатгалын мэргэжилтэнд багасгасан үнийн дүнгийн 10%-ийн борлуулалтын урамшуулал тооцож олгоно.
- 3.9 Төлөөлөгчийн шимтгэлийн хэмжээг 3.7 болон 3.8 дахь заалтаар бууруулсан тохиолдолд хамтын ажиллагааны хөтөлбөрт зориулж бууруулсан шимтгэлийн 40 хүртэлх хувийг Гүйцэтгэх захирлын зөвшөөрлөөр зарцуулж болно.
- 3.10 Даатгалын төлөөлөгч нь хувь хүн бол олгох шимтгэлээс хуулийн дагуу ХХОАТ суутгасны дараа гарт олгох дүнг тооцоолж төлөөлөгчийн дансанд шилжүүлнэ.
- 3.11 Даатгалын төлөөлөгч нь хуулийн этгээд бол ХХОАТ суутгахгүйгээр төлөөлөгчийн дансанд шилжүүлнэ.

ДӨРӨВ. ДААТГАЛЫН ЗУУЧЛАГЧИЙН ХӨЛС

- 4.1 Эрх бүхий даатгалын зуучлагчтай анх гэрээ байгуулах үед даатгалын төрлөөс хамааруулан шимтгэлийн хувь хэмжээг тохиролцон Гүйцэтгэх захирлаар батлуулан мөрдөнө.
- 4.2 Даатгалын гэрээ дараагийн жилд сунгагдан ажиллах үед даатгалын гэрээний хохирлын харьцаа дундажаас дээш болвол зуучлагчтай байгуулсан хамтран ажиллах гэрээний дагуу даатгалын зуучлалын хөлсийг 3.4-т заасан хувиас хэтрүүлэхгүй мөрдөнө.
- 4.3 Даатгалын зуучлагчид олгох зуучлалын хөлсөөс ХХОАТ -ыг суутгахгүй.
- 4.4 Даатгалын зуучлагчид олгох зуучлалын хөлсний тооцоог хариуцсан менежер, мэргэжилтэн сар бүр хийж даатгалын зуучлагчийн нэхэмжлэхийг СБА-д хүлээлгэн өгнө.

ТАВ. ТАЙЛАГНАЛ, ХАРИУЦЛАГА

- 5.1 Улирал бүрийн дараа сарын 15-ны дотор даатгалын мэргэжилтнүүд хариуцсан төлөөлөгч, зуучлагч бүрээр даатгалын хураамжийн орлого, үнэлгээ, шимтгэлийн дүнг харуулсан мэдээг СЗХорооноос баталсан МАЯГТ СЗХ04118 дагуу гаргаж СБА-нд хүлээлгэн өгнө
- 5.2 Даатгагч буюу Практикал Даатгал ХХК-ийн СБАлба “Даатгал түүнтэй холбоотой үйл ажиллагаа, даатгагчид тавигдах шаардлага, даатгагчийн дагаж мөрдөх үзүүлэлтийг тодорхойлох журам”-ын дагуу улирал бүр санхүүгийн тайлангийн нэмэлт тодруулгад төлөөлөгч, зуучлагчид олгосон шимтгэлийг тайлагнана.
- 5.3 СЗХ-ны 2015 оны 06 дугаар сарын 10-ны өдрийн 277 дугаар тогтоолоор батлагдсан "Даатгагчийн үйл ажиллагаанд тавигдах шаардлага, дагаж мөрдөх үзүүлэлтийг тодорхойлох журам"-д заасны дагуу 20 000 000 /хорин сая/-аас дээш мөнгөн дүнтэй шимтгэл авсан төлөөлөгч зуучлагчийг нийтэд мэдээлэх үүрэг хүлээнэ.
- 5.4. Энэхүү журмыг хэрэгжүүлэлтийг даатгалын газар, хяналтыг санхүү бүртгэлийн газар, компанийн дотоод хяналтын менежер хариуцан ажиллах бөгөөд зөрчсөн тохиолдолд холбогдох ажилтанууд компанийн дотоод журмын дагуу хариуцлага хүлээнэ.

**Даатгалын төлөөлөгч, зуучлагчид
 шимтгэл олгох журмын хавсралт №01**
ДААТГАЛЫН ТӨЛӨӨЛӨГЧИЙН ШИМТГЭЛ ОЛГОХ ЗӨВШӨӨРӨЛ

№	Байгууллагын нэр	Даатгалын төрөл	Даатгалын хураамжийн хэмжээ	Шимтгэлийн хувь	Шимтгэлийн хувь нэмэгдэх шалтгаан	Төлөөлөгчийн нэр	Хохирол нөхөлтийн харьцаа
1							
2							
3							

ДААТГАЛЫН МЭРГЭЖИЛТЭН:

.....

ЗӨВШӨӨРСӨН: ГҮЙЦЭТГЭХ ЗАХИРАЛ
О.ГАНТӨМӨР